

永三首矣
見

月詩三



批點明詩七言律卷七

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

張居正

字叔大號太岳江陵人嘉靖丁未進士萬曆間官少師

舟泊漢江望黃鶴樓

楓霜蘆雪淨江煙錦石遊鱗清可憐賈客帆檣雲裏見仙人樓閣鏡中懸九秋槎影橫清漢一笛梅花落

穆文熙曰張詩二首本自清佳曷可以人情遂去之鈴山堂集余曾為取三首矣

遠天無限滄洲漁父意夜深高詠獨鳴舷

潛江憫勞

水齧平堤沙岸迴野田空見荻花開江濤挾雨秋仍壯燕鴈衝寒暮獨來歲晚風霜歎客枕夜深燈火傍漁臺悲時亦有江南賦愁聽荒城鼓角哀

汪道昆

字伯玉號南溟徽州人嘉靖丁未進士官兵部侍郎

再疏乞休

汪公諸作盡高獨不見其七言律茲集已完乃得陳本容函示一帙為選八首詞推調古

太行徑昃接長安轉見人間行路難共惜黃金騏驎老那堪白日鷓鴣寒君恩不為三投杼吾道唯應再

逸氣風生大是開元黃龍之手

挂冠縱是菟裘生事薄江湖滿地足漁竿

山陵望月

七陵宮闕對崔嵬落木空林四望開鳥道過雲秋練沒龍池抱月夜珠來千門涕淚刀頭盡萬國關山笛裏哀倚杖迴看天尺五啼烏莫傍帝城隈

沙河早行

馬頭片月挂長安雙照孤臣淚未乾五夜愁心鳩鵲觀九秋衰鬢鷓鴣冠人家碁枰遙相望客路關山迴自寒總為三朝恩不淺非關老大拂衣難

答萬使君

諸詩風骨
不凡白屬
郢手

海上孤城保障勞。當時汗馬五陵豪。流言不避新題
柱。戰血猶存舊佩刀。豈謂難容緣俗薄。轉於不賞見
功高。秋風莫謾驕鷹隼。尺五天邊鳳一毛。

密雲送侯郎中出守思恩

膏車伐鼓下漁陽。邊馬翩翩五驥驕。自是軍儲須汲
黯。誰憐郎署老馮唐。九重春色從新主。千里炎風接
故鄉。試聽塞門橫笛好。武陵一曲引杯長。

正月三日北樓席上贈督府劉公

三輔提封擁漢旌。千尋飛閣控金城。軒轅曆紀春正
月。驃騎營開古北平。關外尋常留定遠。日邊只尺望
承明。當筵莫問登高賦。肺病于今似馬卿。

送潘別駕之嚴州

潘為尚書公子

經術承家第自高。風塵去國興逾豪。春隨驛路鶯千
樹。郡下雲霄鳳一毛。吏事漫侵潘岳鬢。賢聲早佩呂
虔刀。釣臺倘遇羊裘客。莫道行邊獸錦袍。

觀海亭

蓬萊隱見白雲鄉。渤海憑陵一望洋。大地九州懸碣

石遙天五夜見扶桑。巡遊自昔留秦島。朝貢于今款越裳。更說三韓方丈勝。明朝千騎出東方。

李先芳

字伯承號北山濮州人嘉靖丁未進士官尚寶寺少卿

縣齋晚坐

孤城南面枕江干。玉几雲岑對鬱盤。花下鳥啼群吏散。窓中雲盡數峰寒。空齋獨坐偏懷土。白髮催人欲棄官。昨夜南薰吹入戶。空懸綠綺共誰彈。

暮春初過山庄

山人本性愛山居。弭節春遊過舊廬。短砌雨餘芳草

合。小亭風定落花疎。拂塵下榻驚梁燕。開篋抽書走壁魚。更闢巖扉頻灑掃。能無長者命巾車。

小姑山

沈淩天上泛歸潮。水面孤峯影動搖。風起鼉鼉迴夕浪。春晴殿閣掛煙霄。北吞楊子分江介。西鎮洪都作漢標。暮雨恍疑神女至。嵐光飛入木蘭橈。

白鹿洞

紫陽宮闕鬱重重。白鹿仙人去不逢。波靜九江平似鏡。丹成五老化為峰。懸崖蘿薜栖山鬼。陰洞雲霞鎖

伯承詩思秀發亦王元美西曹社中人東岱山房前稿綽有右丞之風

燭龍風雨蕭蕭下木葉滿林秋色度踈鐘。

江霞館別譚鴻臚

江霞別館戀音徽。江上行人坐不歸。隔歲乍逢金谷友。一尊相對廣陵扉。花間綠綺彈朝雨。門外青驪駐晚暉。二十四橋芳草遍。更教明月逐人飛。

宜春臺

在袁州上有昌黎祠

春臺獨上俯千家。睥睨風高起曙鴉。南下萬山連百越。東來一水自長沙。青厓竹覆經年雪。碧落松盤小洞霞。駐馬荒祠時極目。韓公何事到天涯。

天峯寺同譚少府覽眺

其山有海門日岫甚奇絕

郭外名山碧四圍。聯鑣載酒歷山扉。千家牖分青霽。一曲江流寫翠微。日嶠晴雲低古寺。海門秋色澹征衣。天峯果在煙霄上。坐對長松了道機。

御書樓留別座主王公

輞川別業跨江扉。高閣櫺軒坐夕暉。檻外青山排畫障。院邊流水瀉金徽。石函祕貯親裁詔。玉笈珍藏舊賜衣。門下同遊今幾在。一尊相送鄭玄歸。

滕王閣

全篇如微風亮月扇涼舒彩

高閣嶙峋攬上游。還將歌舞問東流。劍江割據衡廬險。鍊柱平分吳楚秋。鳥外片帆來極浦。雨中芳草遍滄洲。江湖滿地無舟楫。天畔何人獨倚樓。

江天閣

在豐城曲江上有三賢祠此地李獻吉至此書天風海濤四字

三賢祠壓楚江頭。決濟江天獨此樓。石勢西來丹嶂合。海濤東望碧雲流。荒城古渡邀明月。曲水平臺隱釣舟。時倚危檣看劍氣。冥鴻千里思悠悠。

雲津送袁生之京

曲水平橋江岸斜。雲津門外送仙槎。離亭握手愁將

中聯若南威西施聯

眇流光

夕。遠道逢春鬢易華。三月行人折楊柳。一年心事問桃花。蘭橈泊處東風遍。細雨樓臺燕子家。

疊嶂樓懷羅近齋 即謝玄暉高齋

高齋獨坐一凭欄。吳越東南表壯觀。紅樹微茫秋色遠。蒼煙迢遞夕陽殘。山開圖畫當軒倚。江寫芙蓉入鏡看。安得謝公重握手。臨風載酒話同官。

玄妙觀訪吳山人

高皇駐蹕此地御筆題鼇峯二字

洞門高榜瑞煙重。問是先皇訪道宮。天作金鼇飛聖藻。山開玉壘護堯封。樓臺倒掛三天日。睥睨平臨

此作如霞映秋山紫綠萬狀

萬壑松誰為休糧卧泉石。花源疑與至人逢。

再寄王元美

當年漢署共鳴珂。班馬才名不啻過。天畔孤臣吾老矣。中原諸少竟如何。生涯只合尋麋鹿。世事寧須問汨羅。今古含情君不見。鴟夷江上有滄波。

早春文昌閣瞻眺

一泓春水挂城頭。百疊遙山帶雪浮。地是謝公曾作郡。人如王粲舊登樓。松篁隔嶺驕晴色。關塞連天憶昔遊。報道梅花消息好。憑欄不見使心愁。

熙光樓懷羅使君近溪

遙從林杪踏空行。更上高樓望眼明。疊嶂飛來雙起鳳。千花開處亂啼鶯。題詩李白成陳跡。化俗文翁遺令名。不分青山依舊在。年年春草伴愁生。

江行自遣

當年已自厭承明。復此煙波鼓棹行。家有薄田堪種秫。門多垂柳正啼鶯。閒情久負陶彭澤。列士空推李少卿。金馬銅龍成底事。一江流水夢中聲。

宗臣

字子相。號方城。揚州興化縣人。嘉靖間官學憲。

歸興如蓬
鴻渡水宛
轉迴翔

送萬公子歸豐城

子相才情
兼美造詣
未竟使天
假之年亦
能逐鹿于
麟而倚角
元美矣

青袍綠鬢儼琅玕，歲晏庭趨去住難。
帝苑珮聲天外，盡豐城劍氣斗間看。
尊前明月雙鴻暮，江上梅花一騎寒。
共說甘泉能獻賦，春風明日滿長安。

春興

春興三首
如引玉壺
酌天漿飲
姑射仙子
其清氣洒
然

中原五子送將歸，十二峯頭拾紫薇。
別後何人鸚鵡筆，書來念我薜蘿衣。
邗溝明月行將闕，鴻鵠天風高自飛。
南北岐路兩無賴，江門烽火照漁磯。
高楊亂石把雕弧，有客頻過問壯圖。
落日中原停萬

騎悲風萬里下，三吳臺前麋鹿秋。
相泣海上鯨鯢夜，自呼聞道中丞新授命。
急將戎馬抹姑蘇，司馬提兵夜渡河。
羽林諸將擁雕戈，青山一戰殘鼙鼓。
落日千家泣綺羅，盜賊似聞能漢語。
東南何地不夷歌，浮生轉覺江湖窄。
難把衣裳任芟荷。

旅懷

客計年來尚卜居，楚江漁父意何如。
茂陵肺病長卿賦，漢帝心知賈誼書。
天地一身惟報主，烽煙雙眼正愁予。
秋風萬里吹南國，叢桂花開滿故廬。

送李虞部之杭州

一尊晨散帝城遊。萬里江雲擁去舟。楚國芳荃難汝別。薊門朝雨為誰留。萬家烽燧胡纓夕。八月薰葭海戍秋。使者無煩頻北顧。浮雲何處不堪愁。

送陳生南還因寄江鄉游好

薊北秋高起夕峰。送君南去楚雲重。市中五斗新豐酒。醉後三年長樂鐘。耕隴未須悲燕雀。涉江何處採芙蓉。寄言舊日煙霞侶。曾否天台訪赤松。

送方行人使魯還蜀

仙吏朱衣下紫霄。大書親捧翠微遙。梅花一夜飛羌管。明月千山護使輶。魯甸王程逢鴈盡。劍門鄉思聽猿銷。送君雙淚悲遊子。白髮清江正寂寥。

人日柬楊子

遊子頻年栖漢庭。又看春草落階聲。乾坤雙眼逢人日。江海孤槎是客星。病起鬢毛知汝白。愁來楊柳為誰青。風煙况復音書隔。向夕征鴻不可聽。

奉題龍沙草堂

龍沙草堂何處開。龍沙帝子日登臺。浮雲常挾江聲

壯驟雨時驅嶽色來。醉後題詩多橘柚。花前授簡即蓬萊。知君不減西園興。白鴈青楓首重回。

待元美不至

誰傳消息到湖西。欲來不來空杖藜。昨日石門開枳橘。早時孤艇散鳥鷺。愁人碧草茸茸短。候客清尊夜夜攜。二十四橋今寂寞。未應重為玉簫迷。

寄李順德于鱗

憶爾狂歌滿帝京。春來紫綬寄專城。漢庭詔下三千石。良吏人傳卓魯名。日落盧龍寒朔騎。風高涿鹿斷

胡纓。褰帷定有江門思。碣石青天是舊盟。

得元美書

江上孤槎憶送君。薊門消息阻秋分。驚風萬里吹胡鴈。錦字千行墜楚雲。北極頻頒龍武詔。東吳新挫伏波軍。漁樵舊業無須問。處處青山泣紫氛。

孔天胤

字汝錫。號文谷。汾州人。嘉靖間官布政

訪方隱君金華山中

春山深曲訪巖栖。且喜桃源路不迷。一室盡攢雲裏樹。空園全遶石中溪。川觀魚鳥心無累。磻束荆薪手

孔公余曾晤之於汾上讀其詩可想幽致

自攜酒性更能如五柳。花林相許抱琴躋。

王慎中字

號遵巖閩泉州人嘉靖間官學憲

題扇小景

齊統裁扇月形同。點染丹青出化工。雲氣淋漓疑帶雨。水波搖漾不關風。高低萬樹毫芒見。遠近千山尺通。自是主人多好事。置身常在畫圖中。

袁袞

字永之號胥臺長洲人嘉靖丙戌進士由庶吉士至副使

次電白觀海

電白城高海上開。飛樓千尺俯蓬萊。三山隱見從空起。八極溟濛入望來。蜃氣朝蒸疑是霧。潮聲晝湧忽

如雷。遙思驅石當年事。直欲乘槎去復回。

李言恭

字惟寅號秀巖泗州人嘉隆間臨淮侯

再過京山縣觀音崖

車塵千里楚江西。今得高山且暫栖。湖海幾年違故國。春風兩度入招提。飛泉常傍懸崖落。野鳥獨感深樹啼。為覓老僧談四諦。半樓煙月暮雲低。

別單竹樓還金陵

幾年作客共湘川。君去秦淮獨惘然。數幅征帆秋水

王君之文更優於詩

臨淮詩清遠有調庶幾大曆中語

渡一聲長笛夕陽天。從今不下延徐榻。何日重來訪
戴船。吳地故人如有問。鄉心常在月明前。

送人歸金陵

誰謂雞壇成。遠隔梅花。還向金陵折書劔。君歸故國。
廬風塵我作他鄉客。一帆明月鸚鵡洲。兩岸青山雲
夢澤。離思須憑尺素傳。更期乘興剡溪雪。

月渠李僉憲招飲黃鶴樓

勝地慚非作賦才。青尊今向大江開。當年黃鶴雲中
去。何處梅花笛裏來。風生潮聲喧島嶼。日斜帆影上

樓臺。相逢俱是他鄉客。休問湘陵杜宇哀。

春日病起

邊城斜日澹胡沙。短賓那應對落花。搔首青山非故
國。出門芳草是天涯。病餘何意張華劔。春去那堪范
蠡槎。賴有高陽朋舊在。黃金俱付酒人家。

秋日同黎維敬王仲房康裕卿朱在民安茂卿
胡元瑞集劉仲修觀察園亭得開字

習家池館接蓬萊。雲裏高懸百尺臺。諸客盡依星漢
坐。一尊聊向薜蘿開。城頭落葉隨風下。木杪青山入

明言詩律卷七
座來投轄可辭今日醉。薊門秋色正堪哀。

萬表 字民望號鹿園鄞縣人嘉靖中都督僉事

山中酬唐太史見訪

山齋寂寂臘初深。披衲朝朝聞梵音。我已出家惟帶髮。君來聯榻與同心。天涯避地因多病。幻跡隨緣即故林。明月滿庭殘雪在。那堪孤櫂返山陰。

吳子孝 字純叔號海峯長洲人嘉靖間官參議

送陳給事使琉球

聖明新詔賁窮荒。玉節金符下建章。萬里春風隨斗

柄。九天帆影落扶桑。山川盡入周王貢。笳鼓先令海若藏。暫慰遠人歸欲早。紫除青瑣待回翔。

梁有譽 字公實號蘭汀居士嘉靖中進士官主事

吳宮

月墮平湖漫不流。煙波何處可消愁。千年人傍要離塚。百頃誰尋范蠡舟。廊下悲風聞響屨。堂前清宴憶傳籌。竹枝似寫當年恨。聲起吳江葉葉秋。

姑蘇懷古

看山幾日到吳中。遊客登臨感慨同。金虎跡荒靈氣

余初得梁公實詩艷而少骨甚訝之及睹俞氏集所載乃知公實律法精當奇崛壯麗與元美于鱗相雁行也前詩其贗本乎

明詩言律卷七
滅水犀軍散。霸圖空。春歸茂苑烏啼月。花落橫塘蝶
怨風。誰識倦遊心。獨苦扁舟長憶五湖東。

登城上樓

木落城頭風怒號。百家形勝自周遭。碧窓日曉滄溟
濶。畫棟雲開象緯高。目斷層霄無鴈字。夢淹南國有
漁舸。登臨一笑成今昔。彈劍酣歌愧爾曹。

送同年施欽甫宰蕭山

羨君墨綬去翩翩。茂邑風流此日傳。綠樹人家漁浦
外。白雲官舍鳳山前。琴彈單父庭稀訟。花發河陽賦

幾篇。共是鄭莊門下客。報恩應擬在何年。

王元美席上賦得懷羅浮得餘字

縹緲丹梯萬仞餘。風塵回首列仙居。石樓積翠臨滄
海。鐵樹飛泉落紫虛。鸞鶴凌霞時自度。松苓滿地日
堪鋤。何當歸訪葛洪去。四百峯頭好結廬。

瓜步眺望

殘虹慘澹已黃昏。江上煙波獨愴魂。京口樹濃蔽雨
氣。海門風急長潮痕。西來暮色連三楚。北望浮雲隔
九閩。正值旗亭須買醉。憂時懷土不堪論。

此作有乘
風御氣冷
然輕舉之
態

揚州悼隋離宮二首

二作如岩松
挺秀有虬
龍怪狀

李花歌罷益凄其。正是迷樓縱樂時。夜月遼寬哀鐵
騎。春風淮柳拂鸞旗。斗邊蛇起妖誰識。帳裏鷗來事
可悲。千載故基何處覓。杜鵑啼上野棠枝。

藻井雕甍駐彩霞。錦帆一去已無家。淒涼夜月樓前
舞。零落春風仗外花。殘燒繞原碑卧草。夕陽依岸柳
藏鴉。可憐河水滔滔逝。不識人間有歲華。

淳父與五
嶽父子俱

黃姬水 字淳父號質山長洲人嘉靖間庠生
落梅

擅風雅而
七言體獨
勝

昨日看花花影重。重來惆悵幾枝空。隨萍半積芳池
上。學絮全飄畫閣東。秦龍迢迢悲夜月。漢宮憔悴怯
春風。臨觴莫恨凋零盡。留得鄰家玉笛中。

飲永寧寺

青樓歌馬拂吳鉤。萍聚天涯共白頭。久舍新豐惟命
酒。長謠故國一登樓。林殘半壑飛寒雨。潮落空江急
暮流。世路風塵悲去住。莫辭此日醉筵篿。

盧栴 字少樸大名潘縣人嘉靖間監生

浮丘精舍

少樸困獄
中極意為
詩古體乃

何成崇

其所長然
七言律亦非
大曆以後語
也

衛河東岸浮丘高。竹舍雲居隱鳳毛。遂有文章驚董
賈。豈無名譽駕劉曹。秋天散步青山郭。春日催詩白
兔毫。醉倚湛盧時一嘯。長風萬里破洪濤。

書長春觀

萬里天風海水高三山不動駕群鰲。青霄漠漠聞鸞
嘯。白日翩翩見鶴翱。岩下瓊漿留衛叔。山中瑤草寄
盧敖。懷紆金紫人間事。日日吹笙對碧桃。

聞比部李滄溟出守順德書此寄上

漢署仙郎何處求。高旌知駐古邢州。漁陽久待張君

淑。河內爭迎郭細侯。舊日石門曾拒壘。此時銅馬莫
輕謀。畏途遠附青雲翼。慷慨長吟寄壯遊。

登南城樓有感兼懷荀前川

獨上高樓四望明。海天愁色起縱橫。黃雲不斷飛狐
塞。殺氣遙連偃月城。未訝健兒能陷虜。早聞白羽尚
徵兵。封侯知有荀公達。好向中朝事請纓。

謝榛

字茂秦號四明山人山東人寓居彰德府嘉
靖間山人

送別周學憲

世事難期此宦遊。蛾眉別有妬中秋。淒清鼓瑟元高

諸詩若風
颺電擊奇
氣不窮

謝茂秦志
在學社庶
幾升堂遊
燕入晉二
稿傳誦藝

林至江南入
洛等集則
若出二人手
者旄矣

若蛾眉連
嬌嬈然流
盼

調轉折鳴橈是遠流春草漸青鄉國路浮雲全白帝
京樓遙知北望成多感二月風光澹若秋

春宮詞

長信宮中芳草生晚風獨立正含情時顰柳葉聽龍
駕誰隔桃花吸鳳笙金屋半開春寂寞珠簾不動月
分明燒殘蠟炬虛長夜遮莫同心結未成

秋暮感懷奉寄內閣諸公

葉響空林天氣清仙人樓閣報新晴河山九月風煙
色砧杵千家旅客情昔日黃花秋澹澹下灘白鳥夕

輕輕酒酣漫憶曹劉輩直北重雲鎖鳳城

無題

楚女春心不自持月明誰唱竹枝詞瓊簪玉珥何顏
色翠幕朱闌且歲時燕子樓空傷往事杜鵑花老負
歸期江頭月落西風起轉覺湘靈瑟調悲

夢吳人張德良同泛楊子江偶得一聯黃蘆港
外群峯出青石灘頭獨鶴鳴醒而足之

不見詞人憶舊盟清秋夢到闔閭城黃蘆港外群峯
出青石灘頭獨鶴鳴共傍江湖存逸氣自憐萍梗寄

詩中所詠
想見蘭心
蕙質玉貌
絳脣

浮生一尊忽罷仍南北。落月空梁無限情。

送何進士謫樂平少尹

都亭同醉采芳菲。別後關山夢不違。平野北看燕樹斷。大江西去楚帆飛。百花洲上還聞鴈。五老峯頭獨振衣。勝地且留何遜賦。春風應見賈生歸。

中秋無月同李子朱王元美李于鱗比部賦得

城字

四野蒼茫雲霧生。月華暗度鳳凰城。樽前不辨銀河影。樓外空傳玉笛聲。鴻鴈清秋遊子意。梧桐白露故

園情。謝莊欲賦還惆悵。今夜關山何處明。

送顧汝修歸上海

千里飛霜葉下初。知君回首憶鱸魚。潮生瓜步移孤櫂。路轉吳淞是舊廬。海上白雲秋不斷。天南明月夜何如。梅花歲暮應扳折。驛使相逢有報書。

送王惟善歸婺源

久別天涯鴈獨知。帝城多病見君遲。入門不暇論心事。把手相看惜鬢絲。半夜琴尊猶是夢。百年湖海竟難期。陌頭春盡芳菲歇。匹馬斜陽獨去時。

諸詩若鴻
蕭鳧沒迅
疾不遲

秋日同吳子有朱伯鄰應瑞伯駕部謝少安周
叔敬庫部即席得江字

我來值此群才會官舍相留倒玉缸煙外鴉聲紛古
堞雨餘槐色淨秋窓共期帷幄長紆策誰築邊城擬
受降司馬定看清紫塞為漁好去老滄江

喜黃實甫至留酌

自別梁園歲幾徂故人消息斷江湖相逢白髮知多
少一醉黃金問有無地接邊關秋氣早樹翻烏鵲月
明孤向來離合殊難定猶傍天涯說壯圖

登五峯山有感

樹杪躋攀石磴懸手扶藜杖出風煙東分遼海千重
嶺北盡胡沙萬里天秋草征夫烽堠外夕陽歸鳥戍
樓邊時看白骨成悲感為憶嫖姚戰伐年

秋夜有感

涼宵力疾步莓苔欲賦高秋愧楚才白髮祗緣人事
老黃花偏傍客愁開尊前獨坐星河轉燈下悲歌風
雨來還憶重陽離亂後故園惆悵一登臺

送朱叅政之豫章

中二語如蜻
喇吟階冷淒
不勝

落落才名三十年。宦途華髮轉堪憐。獨辭上國星隨馬。四渡西江雪滿船。湘鴈晚低彭蠡澤。楚雲春澹豫章天。定知豐劔歸君後。遙望長安北斗邊。

寄壽成臯王

臘月瓊筵佳氣臨。遙空笙鶴送仙音。建安古意應同感。王粲他鄉且獨吟。雪滿宮梅春色動。天連鄴樹暮雲深。發鳩山下漳河水。流到三臺見此心。

得周學憲書并石刻詩以志謝

辛甲封疆探勝還。雲蘿猶憶共躋攀。坐憐同調繁聲

情詞動人

精詞健語

襄陽所不到

外老愧齊名片石。間鶴髮鄉愁。惟綠酒馬頭春色幾。青山太原有約堪乘興。莫使東風花鳥閑。

李之茂見過樓中話別

有客經過乘晚涼。索居秋草傍簾長。老來寄跡仍多事。話到知心更一觴。海上鷓鴣書淹歲月。塵中龍劔感星霜。共言此別能馳馬。千折雲山是晉陽。

朱察卿

字邦憲。號象岡。上海人。嘉靖間。

寄謝茂秦

憶昔長安並馬遊。醉來曾向酒家留。風寒易水荊生

朱詩悲壯大有神采

劍霜落燕山。季子裘。白鴈廿年誰折簡。青山何處獨
登樓。當時投贈驚人句。風雨常生匣裏秋。

沈明臣

字嘉則。四明人。嘉靖時山人。

題王青州小祇園藏經閣

祇園高閣俯流霞。貝葉光浮萬樹花。白馬春雲常五
色。金河秋水王丞一聯切甚有風致以三車。主丞自置維摩室。許掾終依大
士家。此日登臨披弱海。頓令飛思繞恒沙。

陸弼

字無從。雲中人。嘉靖間山人。

同益卿登劍城百角樓

清尊日對使君開。卷幔風煙萬里迴。地控牂牁荒眼
外。貢傳翡翠越裳來。賦成頗念登樓日。戰後誰稱下
瀨才。回首高臺春草徧。霸圖千載使人哀。

南遊留別竹西社諸子

竄跡蕭齋自薜蘿。賦成諸子日能過。尊前看劍憐肝
膽。門下傳經廢蒹葭。作客又隨春草去。懷人應傍暮
雲多。蒼茫世路無勞問。不負山中帶索歌。

陳鳳

字羽伯。嘉靖間山人。

送潘海居

山人不務
奇詭而意
興自覺悠

然

天外長歌彩鷁飛。布帆冉冉挂斜暉。前峯月出浮雲斷。遠浦沙寒落鴈稀。海國未歸南渡客。秋風空老北山薇。客星一去溪堂冷。何日樽前見薜衣。

金陵詠古

覽古金陵疋馬來。憑虛千里壯懷開。六朝歌舞鶯花老。三國賢豪劍戟灰。日月又新龍虎地。江山長繞鳳凰臺。鎬京多少興王策。悵望先朝一舉盃。

雨中客至

新水柴門漲碧沙。孤村煙樹隱漁家。客來湖上偏逢

雨。春到江南又見花。沽酒隔隣傳小甕。打魚深夜出枯槎。浮生莫遣浮名誤。醉裏還驚兩鬢華。

新夏懷是堂兄

春盡江南花事空。興亡詩酒尚能雄。高樓夢破青溪雨。小榻涼生碧樹風。幸有金龜償酒價。恨無銀鹿寄詩筒。憑虛不盡懷人意。回首蒼茫落照中。

楊東山

字石泉。大梁人。鄉舉。官饒陽令。

元日

環珮珊珊慶紫宸。王侯第宅九衢新。桃符歲換千門

石泉翁詩精
深與雅太璞不
雕有初唐燕
許之氣在獻
唐門下當在

高足弟子

曉爆竹聲催五夜春。白髮舊遊誰更在。紅塵遠避莫相親。年來景物渾仍似。好把屠蘇醉幾巡。

寄章陽華中丞

吳中間氣誕儲精。總憲遙臨遺令名。豈獨賢聲傳兩部。更看勛業著三城。霜飄斧鉞江干肅。日照樓船海運清。渴想夔龍入紫極。早施霖雨慰蒼生。

雨中湯興

獨坐高齋風氣微。晝長無事掩柴扉。追思世態翻成夢。堪笑人生未見幾。青草侵階含野色。密雲送雨帶

頷聯感慨之詞令人有省

朝暉。任渠門外紅塵亂。閒却慵身看燕飛。

閒中述懷

欲買城南膏腴田。老來學種度殘年。數間茅屋竹叢裡。半畝魚塘柳影邊。車馬少聞當世務。兒孫閑課濟時篇。臨風歌咏乘高興。誰信於今有草玄。

夏日述懷

老向林臯適隱情。了無俗累一身輕。庭前閒聽兒孫讀。門外何知閭巷名。細檢圖書添短見。漫培花木長新榮。祇緣識破浮生夢。聊假琴簫鎮日清。

風致悠然可作畫意

逃名課子隱不絕世所以公有賢胤終能發摠已志

贈紫山上人和月窗韻

遊徧天涯薄暮時。相逢林下更何之。清狂湯擬詩禪。興雅致偏蒙帝子。知貝葉翻經千古近。蓮燈入定五更遲。幾回面壁銷繁思。飛上爐峰早寄詩。

楊四知

號庶峯大梁人石泉子萬曆甲戌進士以侍御都學畿內

送謝漢甫奉使琉球

玉墀辭罷唱驪歌。紫綬金麟禮遇過。萬里烟光搖使節。九天曙色照行歌。王人乍見山川異。夷國同沾雨露多。此去莫言溟渤險。於今四海已無波。

庶峯公詩意
勢雄奇詞華
備舉方駕李
何足稱大雅
王朝威福異
國山川摹寫
殆盡可壯使
人之氣

秋日逢管山人歸自嵩山賦贈

高秋閑路雨微微。踏遍名山訪息機。二室峰頭千澗落。中嵩巖畔百花稀。曉攀仙窟風隨屐。夜坐瑤壇露滿衣。為問浮丘何處遇。霓裳猶帶白雲歸。

江中逢楊參峯兵憲對酌二首

樓船把酒晚陰陰。重鎮兵喧金鼓音。千里相逢遊子意。兩年惜別故鄉心。江間風靜龜鼉見。山外雲橫竹樹深。明日重來經此地。鳳凰山上可登臨。
蘄州有鳳凰山

二首鄉思藹
然意勢飛翻
蕭鼓旌旗大
是雄語

月。岸。上。旌。旗。捲。夜。雲。漁。火。湯。隨。流。水。去。鐘。聲。疑。自。遠。
山。間。開。尊。此。夜。應。須。醉。錦。纜。明。朝。南。北。分。

登華嶽絕頂

西嶽龍從聳衆山。那知高處隔人寰。三峰秀出青霄外。四洞晴分紫岫間。松桂鬱蒼天地老。煙霞變態古今閒。尋真猶怪登臨晚。絕頂誰云不可攀。

翠聳三峰天與齊。峻嶒石磴草萋萋。仙人掌上煙霞古。王女祠前日月低。車箱壁立人難度。龍嶺雲生路欲迷。塵事幾時遺却後。何如此處杖青藜。

二詩雄奇典
雅蒼然鬱
然可與華嶽
並峙車箱箭
括之句恐不
得擅美矣

祭遠祖漢太尉墓

駐馬蕭瞻太尉祠。遙思世代不勝悲。一朝正氣存三
疏。千古清風有四知。渭水滌洄直北望。秦山迢遞自
南披。我生碌碌無能類。羞向高原薦酒卮。

春日過紫霞亭次孟中丞韻

塵囂不到是清虛。靜掩柴扉樂自如。嫩柳濃花消永
晝。流鶯野鶴共閒居。雲生戶牖開丹竈。風動庭除展
素書。為愛主人高卧處。不妨終日過茅廬。

送友人應召

序事有原自
附精切

恬澹清虛之
趣布叙宛然
常讀之便
可超玄

規勉切特別
意宛然

聖主求賢屬俊才。掖垣清選接蘭臺。仙鳧齊向雲中
見。采鳳雙飛天上來。尊酒河陽看共餞。音書異北幾
時裁。太平此日開言路。好繪民瘼獻上台。

送李宰客比部省覲二首

朝辭鵷鷺出明光。酒醉離筵萬樹芳。回首五雲天北
極。鄉心千里路南陽。車中好著梁園賦。袖裡猶餘漢
署香。聞道錦堂稱壽日。彩衣重獻紫霞觴。

時序鄉閨語
極切當竹笋
江魚可為並

帝京十載客風霜。為覲親顏出建章。北地酒傾逢五
月。南園花發接三湘。雲垂桐栢庭闈近。水遠河淮道

觀

路長。此去仙郎同獻壽。鸞書疊拜紫泥香。

李毓華巡滇中余巡八閩途中賦此為別

二首詞采秀
發意氣振揚
桓典三鮑當
為失色

赤墀賜宴出長安。王斧遙分兩地看。君向滇南好攬
纒。我亦閩越事征鞍。同心捧日襟懷壯。回首瞻雲意
氣寬。此去天涯各萬里。碩言努力自加飡。

天書朝捧下瑤京。八使相看萬里行。酒餞離筵芳草
綠。袂分岐路野花明。埋輪能令燕山壯。攬纒還期洱
海清。聞道夷方猶未靖。霜風先播羽書平。

元夕讌集張中貴宅次玄渚申駕部二首

京都元夕本
自佳麗二首
九極舖寫每
一把玩則火
樹鰲山五侯
七貴儼然在
目矣

李生行邊三
首語意秀發

星樓火樹滿長安。寶馬香車迤迤看。金闕輦扶雙鳳
下。玉階燈散六龍蟠。千門簫鼓連雲動。九陌笙歌徹
夜闌。獨喜陽和遍宇內。微風斜月不知寒。
張燈把酒近蓬萊。詞客雄吟陋漢才。貝闕珠光連夜
曉。玉闕金鎖徹明開。青霄月滿煙籠樹。綉戶風和花
放梅。正是昇平人共樂。九衢歌唱五更迴。

李民質

字文濟號從野東明人萬曆間進士官工部郎

使上谷田次殷李二年丈韻三首

上谷連年寢燧烽。行來處處見春農。陽回塞草綠生

大非書生語
已必能繼
吾志

色塵淨邊山翠帶容轉。餉單車馳漢使受隆新。堞壯
堯封中丞况復餘方略。還報應先慰九重。

皇華曾誦使臣篇。此日承恩為餉邊。驚有闕門浮紫
氣。喜無戎馬踐溫泉。龍沙入望方持節。鳳闕遙瞻已
着鞭。歸去故園春事好。牡丹花放正嫣然。

西渡乘乾擬泛槎。胡天極目萬山斜。幾從風物悲遊
子。復向春光感歲華。鴈塔已隨題姓字。龍門暫爾伴
煙霞。故人倘散江南棹。過訪蒙城吏隱家。

久旱河涸奉

命詣泰山禱雨薄暮方登因以

述懷

祇役來登泰嶽峯。不妨昏夜覓行蹤。千崖雲氣迷歸
鳥。萬壑風聲度晚鍾。日觀高懸滄海月。天門平倚夕
陽松。舉頭欲挽銀河水。瀉作漕流報九重。
群峯一踏懷逾壯。絕頂纔臨夜已冥。石磴盤空雲黯
黯。陰崖積氣霧泠泠。躋攀漸覺天宮近。指顧忽迷下
界青。便欲隨風跨海嶠。何妨乘月問仙靈。

登戊巳山

突兀名山壓上游。天工人力總悠悠。負薪已斷龍門

險。沉壁無勞瓠子憂。碣石峰陰座外盡。呂梁帆影望
中收。我來欲効平戎策。千里河渠正穩流。

登掛劍臺祭吳季子徐君因觀劍草二首

徐君之隴傍河隈。掛劍能令季子回。祇為酬心留勝
蹟。至今異草徧荒臺。千秋俠骨香仍在。百代交情祭
並開。祀罷空庭一麗淚。紛紛世態盡堪哀。

批點明詩七言律卷八



東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書

李攀龍

字于鱗號滄溟濟南人嘉靖間進士官按察使

崔駙馬山池燕集得無字

主家池館帝城隅。上客相如漢大夫。十里芙蓉迎劍
馬。一樽風雨對江湖。橋邊取石鯨飛動。臺上吹簫鳳

穆子曰于鱗構思玄遠造語精深如蒼崖古壁商彝周鼎奇氣

自不可掩
王元美以
為詩至于
鱗而化

有無向夕不堪車馬散。朱門空鎖月明孤。

送郭子坤下第還濟南

華省栖遲白髮新。因憐失意轉憐春。樽前病起逢寒
食。客裏花開別故人。賦就自堪生顧盼。才高豈合老
風塵。燕臺郭隗君家事。不擬驂騑不致身。

送王郎守安慶

花蒲胡姬春酒樓。使君五馬五驂驪。明光起草推高
第。三十專城領上游。天柱西懸江漢影。海門東控帝
王州。到來紆畫思。同舍萬里風煙白。鴈秋。

劉員外家宸翰樓

君家司寇此樓居。奕葉承恩片帖餘。帝自經筵傳翰
墨。人從冊府見圖書。雲煙繞檻生春色。牛斗開函散
楚墟。弦誦只今諸弟滿。韋賢相業好誰如。

送大司寇顧公之金陵

聞道銅標護百蠻。當朝共擬伏波還。來持滇海中丞
節。入領西曹法從班。曳履青雲高北斗。迴車秋色照
鐘山。顧期門客江城滿。草奏時時達漢關。

詩送是堂余公總憲湖南

攬轡江湖萬里清。使君三楚舊知名。陽春未許尋常和。明月堪償十五城。行省重臣推掌憲。中原多事盛談兵。遙憐傲吏同秋色。不淺南樓庾亮情。

酬黃山人郡中見懷之作兼呈魏使君

千山佳色郡齋前。楚客相思秀句傳。白雪調成堪自老。青雲名在好誰憐。胡牀夜傍南樓月。濁酒春開北海天。羨爾風流陪坐嘯。轉令人見使君賢。

子與病起移書二美吳下群賢爰修禊事踊躍勝遊遙爲屬寄

意興高遠
勝遊可想

伏枕經春憶舊遊。永和三日命扁舟。一時藝苑人亡恙。千載蘭亭事可求。吳下山川何蘊藉。王家兄弟本風流。獨憐搦管傳觴處。有客中原自白頭。

送黃侍御按滇中

去矣乘風瘴癘開。西南萬里壯遊哉。登臺越雋山形合。攬轡昆明秋色來。周禮職方天外盡。漢臣封事日邊迴。征蠻幕府今凋落。安得樓船下瀨才。

早春得汝思蜀中書

萬里誰傳錦字迴。楚天搖落正堪哀。揚舲巫峽江聲

合立馬岷峨雪色來。西極使星遙入部。中原人日好登臺。莫言羽獵誇胡後。不數楊雄作賦才。

送大中丞王丈赴山東

天下軍儲飛輓來。中原胡虜戰爭回。漢柱舊題驄馬使。名家接武佩刀才。按章時拂風塵入。憲府秋臨海岱開。主恩偏憶嚴城日。什二東秦保障哉。

再呈何公

幾年開府漢中丞。去後功名何武稱。荆楚軍儲遮海過。潢池兵氣向秋澄。尚書北斗天喉舌。司寇西曹帝

股肱。耆舊即今推濟美。清朝劔履坐相仍。

韋氏池亭同元美子與子相賦

貰酒新豐解佩刀。相逢意氣為君豪。孤亭晝敞杉松色。亂石青含薜荔高。自向風塵偏勝蹟。豈令湖海傲吾曹。從他桂樹山中發。招隱何勞更反騷。

華髮文章媿不工。獨憐諸子調相同。西京矯矯多奇氣。東海泱泱自大風。三署仙郎攜酒後。一時詞客此亭中。白雲寒廓迷幽薊。騶衍談天碣石宮。

送李司封謫廣陵

一時群英之會宛在目前

讀之可令人痛哭

明光起草羨青春。服藥求仙笑此身。白首雲霄空荐
士。黃金湖海未逢人。廣陵鴻鴈來秋色。寒雨江楓度
逐臣。見說故園湘水上。懶將詞賦弔靈均。

同元美子與子相公實分賦懷太山得鐘字東

順甫

域內名山有岱宗。側身東望一相從。河流曉挂天門
樹。海色秋高日觀峯。金篋何人探漢策。白雲千載護
秦封。向來信宿藤蘿外。杖底西風萬壑鍾。

送大司寇應公歸台州

東岱為五岳之宗此作當與並雄

搖落黃金駿馬臺。都門供帳亦賢哉。炎荒想見乘輶
出。北斗旋聽曳履回。秋色白雲生海嶠。主恩華髮臥
天台。西曹官屬銜知遇。東閣清時好再開。

和馬文見送巡海之作

樓船遙指越王城。萬里波濤按部行。門下有人惟說
劍。江南何處不談兵。長纓我愧山東竅。銅柱君懸海
外名。忽訝天台霞色起。開槭彩筆更縱橫。

送殷正甫使河洛

中州一望氣雄哉。北極風塵使節開。洛自存宗社

步驟淺深
可為詩法

計遊梁更見長卿才。春晴嵩少雲邊出。雪盡黃河天
上來。在昔孝王誇授簡。何當置酒向平臺。

徐子與席懷梁公實

共指金莖雪色間。鳴珂當日滿朝班。即看徐孺能懸
榻。豈謂梁鴻更出關。薄宦天涯成白首。故人江上買
青山。嶺南梅樹今堪折。贈我寧驛使還

懷子相

薊門秋杪送仙槎。此日開尊感成華臥病山中生桂
樹懷人江上落。梅花春來鴻雁書千里夜色樓臺

中燕子相
自嘆以為
不可及

萬家南越東吳還。獨往應憐薄宦滯天涯。

於郡樓送茂秦之京

把酒高樓眺暮春。孤城落照濁漳濱。自憐白髮常為
客。誰道青山不負人。西署詩名士氣象。中原宦跡任
風塵。元龍未下當時傲。湖海看丑意轉親。

趙州道中憶殿卿

憶爾檐帷出牧年。風塵誰識使君賢。政成神雀猶堪
下。興盡冥鴻遂杳然。樹色遠浮疎雨外。人家忽斷夕
陽前。重來此日逢寒食。何處看春不可憐。

除夕元美宅

蓬萊佳氣舊霏微。把酒千門朔雪飛。
繾綣綈袍回夜色。縱橫綵筆動春暉。
何來天地愁相向。自信風塵意不違。
漢主明朝還受計。君看五馬賜金歸。

真定大悲閣

高閣峻嶒倚素秋。西山寒影挂城頭。
坐來大陸當窓盡。不斷滹沱入檻流。
下界蒼茫元氣合。諸天縹緲白雲愁。
使君趨省無多暇。暫爾登臨作壯遊。

初至京與元美明卿子與分韻

邢州計吏入長安。春色西山雪裡看。
天地容吾常落。鬼風塵對爾一加餐。
重來省署青雲隔。不散關門紫氣寒。
握手依然無長客。可知千載和歌難。

隱然自負
不露圭角

送明卿謫江西

海上風塵未罷兵。如何嚴助厭承明。
故人慘澹浮雲色。逐客蕭條白雪情。
落日掛帆彭蠡澤。清秋伏枕豫章城。
詩篇已側當時目。不必兼傳抗疏名。

與元美登郡樓得雲字

搖落高樓此對君。天涯不復有離群。
銜杯大麓來秋

色倚檻邢臺過白雲樹杪人家漳水出城頭風雨太
行分極知今日同王粲賦就還應鄴下聞

懷慶道中雪

髮髯若輕
雲蔽月飄
飄若流風
迴雪

飛雪長驅使者車太行秋色滿天涯虛傳梁苑平臺
賦真作河陽一縣花流影風前迎劔氣寒光樹杪澹
人家問津明日知何處千里西來有漢槎

崆峒二首

于麟登崆
峒華岳諸
詩如鶴鶴
凌風超然

風塵問道欲如何二月崆峒覽勝過返照自懸疏隴
樹浮雲忽斷出涇河長城雪色當峰盡大漠春陰入

萬仞

塞多已負清尊尋窈窕還將孤劔倚嵯峨

誰道崆峒不壯遊香爐春雪照涼州浮雲半插孤峰
色落日長窺大壑愁萬乘東還靈氣歇諸天西盡濁
涇流蕭關祇在藤蘿外客子風塵自白頭

東杪秋登太華山絕頂二首

二首如呂
梁流沫噴
薄千里

太華高臨萬里看中原秋色更漫漫振衣瀑布青雲
濕倚劔明星白日寒東走峰陰搖砥柱西來紫氣屬
長安自憐綵筆驚人在只尺天門謁帝難
徙倚三峯峯上頭蕭條萬里見高秋蓮花直撲青天

色。玉女常含白雪愁。樹杪雲霾沙漠氣。巖前日暈漢江流。停杯一嘯千年事。不擬人間說壯遊。

贈符卿李伯承使東藩

漢宮春色照蘭臺。符節分曹右掖開。司馬長卿詞客幸。東方曼倩侍臣才。海濱城闕浮槎下。天上風雲擁傳來。無那故人常伏枕。論詩還為一銜杯。春風紫禁日朝天。帝寵東藩奉使年。直省月臨三殿出。輶車星度九河懸。綈袍忽動青雲色。華髮遙驚白雪篇。莫道故人霄漢少。如君侍從總堪憐。

贈李明府輶詣廣川奉送景王之國

帝寵親王出牧年。逢迎東道借才賢。郎官舊列星辰上。朱邸新開日月邊。千乘旌旂分羽衛。九河春色護樓船。知君不廢鳴琴興。應教還操桂樹篇。

殷太史正甫至自太山為贈

明堂天子昔登壇。御道風流擁漢官。海色迴臨三觀動。春陰不散五松寒。白雲忽向封中出。玉牒誰從篋裏看。此日滿朝來禪草。相如早晚入長安。

又作此問正甫

當時問訊
之意宛然

上宮春色自何年。阿閣神房幾洞天。囊裏定攜三秀草。懷中曾擬四愁篇。射牛漢蹟今猶在。繫馬吳門似杳然。七十二家論祀典。還朝可奏聖人前。

送吳峻伯之楚

才子風流滿禁林。傳經海岱主恩深。諸生自紀銜魚事。千里誰知相馬心。王氣日隨江漢轉。方城春壓洞庭陰。憐君宦跡偏形勝。四十參藩豈滯淫。

送劉侍御歸臺二首

才子高名八使中。登車千里競稱雄。西臺入奏聞三

二詩若八
駿行空昂

昂萬里

語東海陳詩見國風。伏柱久推三楚駿。還朝爭識五花驄。極知未盡澄清意。獻納猶堪寵漢宮。

繡斧東來按部年。一時風裁萬人傳。烏臺高傍黃圖起。青橐遙依紫極懸。三殿直聲推許國。九河秋色送朝天。正逢宣室齋居日。羨爾持書捧御筵。

送馮汝言學憲之浙江

使者清秋擁漢槎。五雲回首望京華。傳經南國推高第。執憲中朝屬世家。紫氣欲臨滄海日。綵毫先動赤城霞。還披絳帳延諸少。為報西施剩浣紗。

儒臣捧詔外臺居。况復揚波海晏如。門下美才收竹
箭。臥中高士羨桐廬。山川半入吳都賦。風俗兼傳越
絕書。始信工文官自達。主恩垂老不曾踈。

過吳子玉函中草堂

玉函山色草堂偏。恰有幽人擁膝眠。樹杪徑迴千洞
合。窓中天盡四峯連。綠陰欲滿桑蠶月。白首重論竹
馬年。就此一尊無不可。因君已辦阮家錢。

魏使君重過山樓分賦得空字

使君千騎又從東。此日登樓作賦雄。樹杪平湖元在

地。簷前疊嶂半浮空。煙霞色借雙轡動。牛斗光搖一
劍通。自入鹿門常謝客。誰能濁酒過龐公。

湖上草堂為德甫賦

城下春江繞戶斜。誰開三徑俯龍沙。客攜彭澤先生
酒。人指南州孺子家。一劍寒光搖北斗。千山秋色送
雲霞。只今海內無同調。高枕從君老物華。

謝魏使君題白雪樓

白雪新題照畫闌。鮑山堪此對盤桓。楚宮一送江天
色。郢曲長飛海氣寒。繞夜朱絃清自語。凌雲綵筆老

相看使君不是元同調千載陽春和者難

吳使君自建寧移邵武

十載徘徊侍從群銅符更向七閩分且疑落鬼終遷客也自風流一使君五馬忽驚龍渚氣雙轡猶畫幔亭雲已知才子官難起無那吳郎雅好文

送魏使君入朝

青春五馬入朝天稍似明光草奏年方岳只今雄海岱山河原自壯幽燕風雲忽傍檐帷起日月猶臨省署懸况復政成聞問好黃金不是主恩偏

送魏使君兼呈吳邵武

如雲計吏集神京此日江湖見友生自是古今雙五馬居然南北兩專城漢廷交映黃金詔楚客同蜚白雪聲治行不知誰第一獨應巖穴愧高名

寄元美三首

聞君雨雪到青州春盡鴻書未可求莫問彈冠千載事徒令把袂故人愁浮雲萬里中原色落日孤城大海流自昔風塵驅傲吏還能伏枕向清秋

紫塞春風散羽書使君高枕見離居人間不識胡名

激烈感慨
大類燕歌

明詩七言律卷八
馬門下猶傳海大魚。開府少陽還氣色。登臺東嶽復何如。遙知醉後吳歌發。落日蕭條薄望諸。不盡青山帶落暉。美人何處送將歸。城邊澗水寒如酒。馬首浮雲曳作衣。春到他鄉還健食。時危薄宦豈雄飛。自從二子中原別。回首風塵萬事違。

病間答許殿卿

病客高齋黯澹生。何來一札大梁城。夢回滄海風雲色。春落黃河雨雪聲。伏枕自須疑慢世。曳裾兼亦似逃名。可知枚馬元同調。誰見千秋出處情。

南海歐生自京師遺書于大梁屬許右史為致
答此

中原才子動相聞。誰復高名得似君。南海一珠懸北斗。黃河雙鯉墮青雲。城邊五色羊何在。臺上千金馬不群。獻賦幾年猶未遇。羅浮春思坐氤氳。

送魏按察之潞

壺關上黨切雲霄。憲府中天插漢標。山勢西臨三晉險。地形東控兩河遙。名從出守高郎署。策本和戎寵聖朝。盡道疆場懸節鉞。猶能書札滿漁樵。

春流一聯
王元美亟
稱之以為
不可及

上朱大司空

河堤使者大司空兼領中丞節制同轉餉千年軍國
壯朝宗萬里帝圖雄春流無恙桃花水秋色依然
子宮太史但裁溝洫志丈人何減漢臣風

許殿卿擢左史

萬里檐帷逗主恩長裾一再歷寒溫諸侯賓客梁園
盛帝子宮僚相國尊誰為從旁駟駟馬自應虛左過
夷門况兼詞賦凌雲氣漢署風流可更論

明溪篇二首贈周都閩

如武庫陳
兵甲光耀
日

明溪斜帶越臺高遠送清光照錦袍勢奪潮聲雄鼓
角波分海色壯旌旄浮雲深控嫖姚騎秋水常函別
駕刀翻恨普天無戰鬪臨觴不得更投醪

越臺山下小江干一曲遙開漢將壇槎動星河天上
下陣成魚鳥鏡中看戈鋌忽溢澄潭色組練偏縈素
渚寒此日非熊應入夢心隨渭水到長安

寄題元美葺經閣

岩堯飛閣太湖傍有客翻經日滿牀白馬尚留霜練
影彩毫應帶雨花香當年張掾生秋興何處支公坐

明詩言律卷一
道場君自風流兼二子。吳門極目正茫茫。

九里松圖為馬侍御作

奇古真如
蒼松讀之
虬螭欲動

武林佳氣日蕭蕭。夾道長松入望遙。黛色總疑天目
雨。寒聲不辨浙江潮。含凄風自枯鱗起。倒影雲隨偃
蓋飄。非值有心同竹箭。箭懸蘿爭敢附高標。

寄題况吉甫藥湖別業在荷山下

湖上高齋萬木齊。白雲長在楚天西。落霞一散燒丹
火。秋水遙通濯錦溪。伏枕自來詩不廢。扁舟誰為酒
同攜。南峯盡作蓮花色。曾是玉喬隱遁栖。

秋夜白雪樓贈周公瑕

日落風清竹樹林。一尊飛閣敞秋陰。纔逢狗監人先
老。能到龍門客自深。海上共懸明月夢。山中堪贈白
雲心。陽春寡和休言誤。此夕因君作楚吟。

登華不注山送公瑕

鴻鴈高飛木葉丹。逍遙臺上一憑闌。浮雲不動孤峯
起。落日長臨二水寒。多病故人書未達。中原秋色醉
相看。預愁匹練江南道。極目吳門駐馬難。

題周天球小象

落鳧吳門五十春。懶從高閣畫麒麟。此中墨客爭知妙。何處詞人更有真。白眼自宜置丘壑。紅顏元不染風塵。東墻休挂喬家女。夜恐周郎作後身。

答元美吳門邂逅于鱗有贈二首

二詩想見劇談戲論。扼腕抵掌之狀。

徵君巖穴雅能深。出處人間總陸沉。流水乍含鍾子調。浮雲不繫邴生心。關門紫氣長來往。海上青山更古今。世事彈冠難自料。風塵容易是抽簪。

萬里風雲北極生。中原二子舊齊名。居然霄漢雙封事。自是江湖一宦情。天借客星高物色。歌回春雲壯

潮聲。何妨邂逅成佳會。正復相思命駕行。

大閱兵海上四首

指麾籌畫。可想將略。工部諭諸將五首。不得擅美矣。

使者乘輅大閱兵。千艘並集甬句城。騰裝殺氣三江合。吹角長風萬里生。帳擁樓臺天上坐。陣回魚鳥鏡中行。不知誰校昆池戰。橫海空傳漢將名。

戈船諸校錦征袍。水戰當場命客豪。萬櫓軍聲開島嶼。千檣陣影壓波濤。赤城深泛旌旗動。射的遙銜竹箭高。東海便應銅柱起。何妨馬援是吾曹。

列檻如城積水前。援枹擁棹出行邊。桔槔氣迸流烏

四首如春霆發響。蟄虫競飛。

火。組。練。光。搖。太。白。天。鷲。鶴。一。呼。風。雨。集。龍。鼉。雙。駕。斗。
牛。懸。即。今。萬。國。梯。航。日。竝。識。君。恩。浩。蕩。年。

新。開。帷。幄。控。朝。宗。萬。里。波。臣。老。折。衝。海。氣。抱。吳。遙。似。
馬。陣。雲。合。越。總。如。龍。中。流。鼓。應。潮。聲。壘。下。瀨。戈。迴。日。
影。重。自。有。長。纓。堪。報。主。誰。言。白。雉。竟。難。逢。

元美起家按察河南寄促之官。

莫。道。漁。樵。料。已。安。主。恩。堪。為。一。彈。冠。足。知。上。國。群。
公。疏。猶。作。中。原。二。子。看。虎。觀。迴。連。豈。少。起。龍。門。高。倚。
大。江。寒。與。君。聊。玩。人。間。世。明。日。抽。簪。未。是。難。

語涉傲世
意興超然
有神龍不
可羈鎖之
意當為茲
集壓卷

杜青州按察楚中

東。方。千。騎。古。諸。侯。憲。府。新。開。大。楚。秋。北。海。清。風。猶。滿。
座。武。昌。明。月。更。登。樓。五。雲。過。郢。朝。佳。氣。三。峽。吞。江。擁。
上。遊。此。地。功。名。誰。得。似。君。家。元。凱。自。荆。州。

寄賀天官殷少宰晉大宗伯

十。載。詞。林。供。奉。中。史。才。經。術。並。稱。雄。恭。承。三。命。銅。龍。
署。兼。典。諸。儒。白。虎。通。要。地。持。衡。當。比。斗。清。聲。曳。履。入。
南。宮。猶。言。紫。極。氤。氲。處。非。復。文。章。八。座。同。

顧中翰祭告德衡二藩兼有事沂山東海

聖主新恩北極開。侍臣銜命出燕臺。三齊茅土星潢近。二國松楸雨露回。百丈自天垂瀑布。五雲佳氣接蓬萊。俱言海嶽遊偏壯。為有玉褒作頌才。

十首登黃榆馬陵諸山四首是太行絕頂處

雄詞麗句
盛唐作家
當為却步

太行山色倚巔峴。絕頂清秋萬里看。地折黃河趨碣石。天迴紫塞抱長安。悲風大壑飛流折。白日千崖落木寒。向夕振衣來宿雨。關門蕭瑟罷憑欄。

西嶺高秋大陸前。馬陵寒影踏遙天。群峯不斷浮雲色。絕嶂長留落日懸。地險關門銜急峽。山竒削壁挂

飛泉。何人更遇青泥飯。有客空歌白石篇。

西來山色照邢襄。北走并州擁大荒。巨麓秋陰沙渺渺。石門寒氣雨蒼蒼。天邊睥睨窺句注。樹杪飛流挂濁漳。搖落故人堪極目。朔風千里白雲翔。

千峯郡閣望嵯峨。此日褰帷按塞過。落木悲風鴻鴈下。白雲秋色太行多。山連大陸蟠三晉。水劃中原散九河。回首薊門高殺氣。羽林諸將正橫戈。

王崇古

字學甫。號鑑川。蒲州人。嘉靖辛丑進士。官兵部尚書。

泛湖

三晉多風
雅全覓其
刻本不得
僅得王公
一首
王公雄界
振

世詩復爾
雅絕俗可
謂兼才

萬頃芳湖一望平。扁舟搖曳九愁輕。晴天倒浸南山色。午夜低垂北斗明。進艇漫隨鷗鷺侶。鳴榔偏稱芰荷情。凌虛忽憶十年事。老大空慙未請纓。

諸大綬

字部侍郎

號南明山陰人嘉靖間狀元官禮

送崑崙高太史奉使還蜀

清宵天祿正然藜。暫捧周圭出玉墀。回望五雲天咫尺。行看三峽路逶迤。晚風亂度猿聲急。曉月橫浮嶽色奇。知是相如擅詞賦。登臨到處有新詩。

陳宗虞

號六亭閩中人嘉靖中官副使

黎惟敬宅餞伯宗得聞字

雪後高城落暮雲。夜寒杯酒惜離群。燕臺不市千金骨。湘岸空嗟九辨文。一劍光隨犀浦動。片帆春帶鷺洲分。天涯吾亦隨萍梗。鴈帛從今何地聞。

元日朝回望西山雪霽柬高右史伯宗

紫陌朝回散履聲。西山殘雪萬峯明。雲沉玉樹開三殿。春控瓊樓下五城。月色遙凌青海動。天光倒射赤霞生。風前一曲幽蘭調。何限湘波郢樹情。

俞憲

號是堂無錫人嘉靖間官副使

余於聲應
錄睹陳君
詩皆過於
激烈此作
則純然大
雅也

俞公集百
家詩可謂

苦心其自
為詩不多
見錄其音
稍見作家

承芳曾以
長句為余
題畫余珍
重之茲於
他集中得
律詩一首
聞有燕石
稿當次第
出矣

夜渡君山遊望寄吳明府

空江誰道有孤航。夜月隨風渡渺茫。極浦奔濤喧欲
立。斷沙殘柳不成行。漁人聚網知潮信。獨鳥驚林覺
曙光。安得遂逢彭澤宰。蒲傾山院菊花觴。

郭崇嗣

字承芳號草堂肥鄉人嘉靖壬戌進士官憲副

登岳陽樓觀洞庭湖

歲晏驅車過岳陽。危欄把酒日蒼蒼。洞庭水濶商帆
集。楚岫雲開鴈字長。泣竹千年悲二女。懷沙何處弔
三湘。蕭蕭風葦江流急。欲賦登樓意未央。

李承露

字號墨潭貴竹人

新息侯祠二首

伏波祠下水波明。秋日登臨宿雨晴。遂使五溪歸禹
貢。至今故老話南征。笛飛猶想門生韻。豈謗何非聖
主情。累馬墜鳶千載志。裂帛從此請長纓。

累貨散盡事遊敖。大器將無一舉豪。豈有井蛙稱帝
子。能傳刻鵠訓兒曹。椒房不得開生面。榆塞真成凋
節旄。醜酒踟躕懷古意。楚山翠嶺壓江濤。

上羅學院二首

山斗才名震帝京。詔從燕趙領諸生。繡衣不淺驅豹
意。絳帳尤懸相馬情。大麓風雲皆動色。洛江桃李總
含英。挽回渾厚滇公手。庶以成賢答聖明。
漏教觀風今在茲。霜威化雨凜同施。不緣季代剽錐
作。再見成周禮樂時。買駿何妨登郭隗。賞音無憚過
鍾期。勞歌白石空悲感。合有凌雲荐所知。

侯一元 號二谷浙樂清人嘉靖間進士官布政

贈王公督學楚中

長江千里白波來。畫舸風輕五兩催。新雨曉看雲澤

漲。冰壺秋映洞庭開。洲前落月聞湘瑟。峽外飛雲見
楚臺。辭賦郢中應一變。漢家方重馬卿才。

李文麟 字應禎號韋菴無錫人嘉靖間郎中

送江荆石尹高安

江淹風藻本翩翩。建業相逢復幾年。舊國春深持去
檄。帝城花落對離筵。司空署裏才初試。必子琴中曲
已傳。別後思君何處所。瑞陽江上片帆懸。

蘇濂 號鴻石濮州人嘉靖間鴻臚

獨酌

蘇君與李伯承同里音節頗同

門巷人無問字過。天涯客子意蹉跎。黃金不復燕臺事。易水空懷壯士歌。九塞烽煙催餉急。七陵風雨入秋多。音書寂寞年華晚。不飲其如旅况何。

洪孝先

字從周。號霍山。永嘉人。嘉隆間山人。

秋興二首

薊門秋望碧雲深。結社還思臥石林。木葉西風看似錦。音書南國到如金。哀猿嘯處長流涕。倦鳥歸時總息心。自是尊鱸堪寄興。扁舟欲泛五湖陰。

曾聞武帝有行宮。辛苦朝朝禮太空。鶴駕一從辭夜

余每於友

人余太史

處晤山人

太史稱山

人能詩後

余與石拱

辰南歸山

人贈之詩

自云有舌

能忘死全

交肯獨生

又示余夙

所作秋興

八首余讀

之果知山人

能詩也今

為錄二首

焉

月。星壇長自鎖。秋風彩幡半落寒雲外。畫壁全銷別殿中。舊日詞臣多意氣。謾令玄草擬楊雄。

呂時臣

字中甫。號甬東。鄞縣人。隆萬間山人。

諸公邀登甘露寺留別

天風飄忽芾袍輕。兩度登臨慰客情。踈磬雨催山寺曉。亂帆春放海門晴。江迴錢甕三吳盡。潮過金陵七澤平。明日別離何處問。斷腸煙樹漫蕪城。

王承父

字叔承。號崑崙。吳人。嘉隆間山人。

金山

叔承放曠
頗似太白
尤當觀其

龍宅龍宮紫氣驕。壯遊南北倚青霄。蜀江萬里來春水。吳嶼千尋帶暮潮。夾岸帆檣楊子渡。隔天雲樹廣陵橋。臨流無限風塵思。濁酒淋漓劔影搖。

遊觀音巖燕子磯因感梁王達磨故事

觀音高閣迥巖扉。客酒憑陵燕子磯。山帶石城孤寺立。潮平江國亂帆飛。故宮木葉空金盃。荒渡蘆花失寶衣。我亦乘風欲西逝。少林秋老白雲歸。

九日雨花臺二首

百尺荒臺天一涯。鳳城煙火映江沙。孤杯不見三秋

菊。細雨空飛九日花。旅鬢蕭疎驚節序。雄心寂寞對京華。野人只有遼東帽。遮莫西風吹孟嘉。

空翠微茫秋氣迴。晴雲獨向苑中開。白邊地擁層宮出。天際江排疊嶂來。風雨連城誰送酒。客懷千古一登臺。吾生好赴廬山飲。白社黃花夢百回。

張獻翼

字幼于號壺梁長洲人嘉隆間監生

投贈無眎蘇君楫沈元異

白門煙月勝揚州。十四樓中第一流。眉學遠山餘黛色。心將初柳結春愁。渡頭桃葉王孫草。巷口烏衣客

幼于以詩帙投俞氏偶未入選乃形夢寐豈文章固自為神物乎

子裘都市相逢多意氣與君同作五陵遊。

送別柳明府

孤臣明發向天涯楚水蘼蕪感別離
難助官情元自薄羊腸世路益堪悲
兵戈誰念星霜久心事空餘草木知
五斗一官猶不偶送君惟有淚如綵

寄吳太守

曾於白雪見文章不為青山憶武昌
藝苑木名多七子宦途心事半三湘
人前落筆誇鸚鵡郡內褰帷下鳳凰
見說漢廷思校獵未容長孺薄淮陽

莫生跌宕
可想雋才

莫雲卿

字少江華亭人嘉隆間庠生

贈陸生名遠

年少風流重陸郎名都花月馬蹄忙
論功早謝封侯賞好俠多從結客場
新學五禽探妙訣舊彈雙鋏助清狂
看君一指還丹術金鼎空傳肘後方

贈洪山人霍山山人故大司馬胡公墓客也

廿年踪跡自支離把酒能談五岳奇
遠興每將瑤草寄雄心不負寶刀知
圖書夜月空山侶裘馬春風故國思
聞說西園清燕罷更於何處定交期

汪言臣 字士官御史 號藻瀛四川巴縣人萬曆丁丑進

登魁星樓

汪公讀書中秘他作尚未出乃茲一首雄雉奇拔如萬仞峨嵋拖星挂背氣執駭人足為大野

高閣崔嵬壁水旁。軒窓八面立滄茫。海雲朝擁蓬萊色。天漢霄連星斗光。萬雉雄城甍底落。九衢甲第檻前翔。我來還對中秋月。瑟瑟風多桂子香。

趙時春

號浚谷陝西平涼人嘉靖丙戌會元官至巡撫

登孟津山河壯觀樓

趙公才兼文武人能言文顧其詩集晚出採掇無由乃茲計部胡公拔選命刻

漾風款棹下河洲。更躡危梯一上樓。四顧湖山雲杳杳。獨憐鴻鵠晚悠悠。淒涼古樹含秋色。寥落寒天起

海貝周客可謂相遇

暮愁。無限詠懷今古意。滔滔河水自東流。

秋思

二首寄意遠而造語精工大有工部秋興之韻

即看碣石通滄海。何處秋光不損神。衰草白沙天外靜。落霞黃菊晚來新。獨垂並鳥懷鄉淚。誰念湘潭放逐臣。歸去惟尋河上叟。滄浪湯濯羽綸巾。

朱雀星流紫閣通。青龍日轉玉繩東。三秋幾洒恒山雨。萬里長吹朔塞風。繡柱銀橋投海燕。錦條金彈失冥鴻。欲將仙棹浮瀛島。坐看蓬萊接混濛。

留滯

留滯滄洲已浹旬。鷓冠終日滿風塵。浮雲何事來還
往。歲月無情秋復春。海甸中宵來驛使。天涯盡處未
歸人。不堪對酒翻悵惆。翠篠黃花幾度新。

和唐應德見懷

兩地孤蹤信所如。三年一見故人書。絕愁清曉星寥
落。還憶皇州月滿梳。綠髮垂絲爭似昨。丹心狂態宛
若初。滄浪幸有狎鷗處。肯學湘纍怨索居。

寄王壽夫銓部

帝都一別幾經秋。聞道投簪返故丘。四海交情多逐
次。聯感慨今

昔令人泣下
未聯又令人
洒然自得

客。十年裘馬倦塵遊。朝廷有道閒居好。天地無心歲
月流。細數韶華研物理。人間何事不悠悠。

同左大卿詠芍藥

幽賞曾聞上巳辰。邊城開到已無春。朱英裊露垂垂
葢碧葉。含風細細勻。水散餘香生晚潤。光索朝露倍
精神。自憐草履陪冠蓋。對酒相看幾度新。

萬峯樓讀書

中聯麗句可
與花藥爭奇

萬峯樓上萬峰齊。獨抱幽懷望欲迷。秋檻倚風回塞
雁。星軒入夜報天鷄。瑤池恍惚崑崙北。金檢分明華

嶽西。參罷龍圖收暝色。不知天祿少雲梯。

蔡可教

副

字子受。号有吾。成安人。嘉靖間進士官憲。

早春即事

關津罷守拂衣行。回首風塵感慨生。投杼豈緣慈母意。償金應見古人情。雪殘已度隨陽鴈。風煖仍聞出谷鶯。相對濁醪歌伐木。上林虛擬有同聲。

峽石驛遣懷

侯館蕭條夜雪深。途窮何必淚沾襟。紅塵奔走空三載。黑髮歸來抵萬金。抱璞肯為和氏泣。携囊惟有伯

蔡氏伯仲意氣翻各以作者自雄其詩未可多得聊一斑而已

蔡大温文雅

度詩亦似之

唐之刘随州

孟襄陽殆其

颯類乎

牙琴風濤一任翻。湖海倚杖聊為梁甫吟。

邵寄郭樂泉年丈

美人遙望隔秦關。尺素飛來霄漢間。乍得隋珠驚白眼。那知楚客老紅顏。神龍漫擬終相合。倦鳥仍慙不自還。漳水月明空有淚。回看華岳杳難攀。

邢州道中

北闕鶯花夢已殘。東風匹馬又長安。乾坤到處憐木少。今古誰非行路難。華髮旅中頻覽鏡。緜袍天上幾彈冠。酬恩自許心仍赤。不厭時人白眼看。

荅穆考功少春見寄

中散從來懶作書。山公何事復朝予。虛疑推轂無知已。實喜還山有敝廬。蝴蝶夢中聊自適。鷓鴣天外竟何如。故人若肯來相訪。曲巷還容駟馬車。

藺石司馬東泉年丈

鵲噪柴門逼歲除。兒童喜接故人書。初聞幕府承新命。何意綈袍及敝廬。天上憐君陪侍從。山中媿我伴樵漁。春蒐敵罷長揚賦。竚想佳音慰索居。

送王令之葉

仙令新除出建章。星軺指日下昆陽。一尊酒送青驪遠。百里花迎墨綬香。雪盡高峰浮劍氣。春回漁水抱琴堂。雙鳧况有凌雲翮。還見翻飛入帝鄉。

寄河間守燕益齋

漢庭分竹古諸侯。五馬翩翩領上游。起草才名餘盡省。隨車甘雨徧瀛洲。群樓下瞰滄溟靜。天闕遙瞻紫氣浮。三輔祗今無寇盜。少卿那得久淹留。

次韻贈左山人西陵

日出卯堂凍始開。援琴忽見子期來。風塵逆旅人千

里霜月清霄。酒一杯。計就屠龍非我志。詩成倚馬自君才。不嫌兄弟俱漂泊。翻喜漁樵得共陪。

送少府宗弟之脩武

棣花元是漢賢良。此日承恩出建章。折柳漫愁分闕下。看花且喜向河陽。月窺盤谷琴聲遠。春入溫潭草色芳。聖主抡才方破格。定知此去有輝光。

送吳門朱山人還汴

霜落彭門樹色秋。與君尊酒暫淹留。十年湖海誰青眼。千里風塵共白頭。已見仙槎浮汴水。還知聲價重

吳鈞。寄言梁苑諸公子。莫向馮生誚蒯緱。

餞別仲弟

離亭醜酒淚霏霏。千里思歸未得歸。愧我簿書勞郡事。憐君車馬向庭闈。年年草色逢春綠。夜夜鄉心入夢飛。一望雲山一惆悵。紫衣何似老萊衣。

蔡可賢

字子齊。号見菴。成安人。嘉靖間進士官憲。

寄懷符卿石東泉年丈

爾自雲霄侍從臣。天涯諸弟幾沉淪。紅顏已幸逢新主。青眼那堪少故人。萬里入秦還贈策。千金辭趙且

子齊長身頽軒自號高陽居士平生論詩必所與可特稱之有

莫李李千鱗
王元美二子

未復齒及不
使他日必以詩

名也此篇其
先声哉

蔡三詩豪

舉余與之為
壇作五百之

內各戰不解
甲今復以爲

刻錄首贈
余逸氣飛

翻居然香
弘正之間余
為之絕倒矣

垂綸遙知吹笛燕山月。落盡梅花別有春。

歲初再訪穆敬甫於逍遙園中言懷

一別逍遙十七年。入門周覽思悠然。林間燕雀青春

色。石上龍蛇白雪篇。河朔酒杯淹日夜。濠梁釣艇宿

風烟。阿翁精健郎君美。信是韋家不乏賢。

出郭尋芳到楚塵。蒼茫遠意足留連。無邊樹色高吟

外。不斷花香大嚼前。幾點殘山邀落日。半池寒水發

春烟。此中儘可長栖息。翻恐重飛萬里天。

春去春來柰若何。浮生光景易蹉跎。當年共許心仍

赤。此日誰憐髮已皤。虎豹九重關日月。魚龍萬里窟

江河。若知隱顯皆吾適。但倚斜陽發嘯歌。

世路悠悠那可量。聊從詹尹卜行藏。逝將鼓枻浮滄

海。抑或驅輪度大行。閔塞極天元亮月。江湖滿地伯

奇霜。著電未必能知事。何復區區較短長。

結客黃金爾最雄。相然相信此心同。清光夜嘯盤山

月。俠氣寒生易水風。九萬扶搖機未息。五千文字道

何窮。明年若更遊燕市。不必逢人說蔡邕。

屈指青霄幾故人。尚書高義出風塵。身依北斗司喉

舌心切南山問隱淪。皎皎郭隗臺上月。融融鄒衍谷
中春。公車不斷徵屠釣。猶有漁竿在水濱。

翹首高天日未斜。薊門開府憶張華。威行九部秋傳
檄。令肅三軍曉建牙。櫪上驂騮嘶漢月。幕中樽俎靖
胡沙。夜來何物冲牛斗。知是江湖有鑊鉞。

鰲頭二妙領中書。不愧科名語不虛。日下共趨雙鳳
闕。雲間齊御六龍車。故人情溢彈冠外。明主恩深按
劍餘。却憶五更三握後。月明常照紫薇居。

逍遙聊爾共徜徉。明日看雲是兩鄉。伐木道存猶不
棄。采葑恩在詎相忘。鏡中白髮年年短。枕上丹心夜
夜長。萬一輕塵生大漠。誰將羽獵奏明光。

再別逍遙思不禁。蒼然愁色滿芳林。蛟龍池上雲空
合。鳥雀門前草自深。借問繁跚還敵玉。何如倜儻竟
辭金。絕交休學稽中散。恐負山濤一片心。

穆敬甫席會韓李二公作

東風重與漆園期。醴酒殷勤慰所思。何幸識韓兼御
李。為尋舊好得新知。輝輝寒日鶯啼澁。歷歷春星鴈
度遲。爾輩青春吾輩老。江湖廊廟總相宜。

...



